

Kit Antihisteria UMP bukan cari untung

BH (NASIONAL) 6/5 m/s 18

Kuantan: Kit Antihisteria yang diperkenalkan sekumpulan penyelidik Universiti Malaysia Pahang (UMP) sudah terbukti kemampuannya.

Pengarah Pusat Islam dan Pembangunan Sumber Insan UMP, Dr Mahyuddin Ismail, berkata tanggapan masyarakat bahawa pihaknya mengambil kesempatan dengan memperkenalkan kit berkenaan bagi meraih keuntungan adalah tidak benar sama sekali.

“Kita mempunyai rekod bahawa kit ini berkesan dalam mengatasi masalah histeria yang sering berlaku di sekolah atau pusat pengajian tinggi sebelum ini.

“Setakat ini kita sudah mengendalikan kira-kira 50 kes histeria menggunakan kit ini dan semuanya menunjukkan keputusan positif.

“Ini membuktikan kit yang kita hasilkan bukan untuk tujuan komersial sahaja, sebaliknya adalah sebahagian tanggung jawab kami kepada masyarakat,” katanya.

Kit Antihisteria dihasilkan UMP mendapat kritikan Persatuan Psikiatri Malaysia.

Presiden persatuan itu, Profesor Dr Nor Zuraida Zainal, dilaporkan berkata, kit yang dijual pada harga RM8,750 boleh mengakibatkan kekeliruan dalam kalangan masyarakat.

Beliau dilaporkan berkata, kajian mengenai fenomena histeria sudah dijalankan pasukan pakar perubatan dan saintis sejak 150 tahun lalu, namun sehingga kini hanya melalui gabungan penggunaan kaedah rawatan moden dan sains sahaja diyakini dapat mengatasi masalah berkenaan.

Mahyuddin menolak kenyataan itu dan menegaskan kit yang dihasilkan UMP tidak menyalahi undang-undang syariah.

“Kajian mengenainya dilakukan kumpulan pakar dalam bidang terbabit. Harapannya juga adalah berpututan, jika kita ambil kira tempoh kajian dijalankan bagi penghasilan kit berkenaan.